



**Concello de Vigo**

Secretaría do Goberno Local

Expte. 598/1102

**RESOLUCIÓN DE ALCALDÍA:**

**MODIFICACIÓN DELEGACIÓN DE COMPETENCIAS EN CONCELEIROS E  
CONCELLEIRAS DE ÁREA**

O artigo 28.2 da Constitución española configura como dereito fundamental o dereito a folga dos traballadores/as para a defensa dúas seus intereses dispoñendo que a lei que regule o exercicio deste dereito establecerá as garantías precisas para asegurar o mantemento dos servizos esenciais da comunidade. A remisión á lei para a regulación do exercicio deste dereito supón que o dereito de folga non é absoluto e incondicional estando suxeito a limitacións en función do ben común e o respecto ao dereito dos demais debendo establecer as garantías precisas para asegurar o mantemento dos servizos esenciais da comunidade. Como dita lei orgánica aínda non foi aprobada é de aplicación o Real Decreto- Lei 17/1977 de 4 de marzo sobre relacións de traballo, declarado parcialmente en vigor pola sentenza do Tribunal Constitucional 11/1981 de 8 de abril, que no seu artigo 10 determina que cando a folga se declare en empresas encargadas da prestación de calquera xénero de servizos públicos o de recoñecida e inaprazable necesidade e concorran circunstancias de especial gravidade, a autoridade gubernativa poderá acordar as medidas necesarias para asegurar o funcionamento dos servizos.

Os servizos prestados polo Concello de Vigo teñen a consideración de servizos públicos, segundo os artigos 25 e 26 da Lei 7/1985 reguladora das bases do réxime local (LRBRL), como competencias propias municipais. Así mesmo ao tratarse de servizos municipais, a competencia para decretar servizos mínimos correspóndelle ao Concello, en virtude do principio de autonomía municipal garantido na Constitución ( Sentenza do Tribunal Supremo de 15 xuño 2005, Rec. 907/2002) e conforme a xurisprudencia cando se trata de servizos de titularidade municipal a autoridade gubernativa a que se refire o artigo 10 do Real Decreto 17/1977, de 4 de marzo, corresponde ao Alcalde (artigo 124.4.ñ da LRBRL).

As dinámicas de funcionamento municipal fan aconsellable modificar as delegacións de competencias nos órganos de xestión unipersoal -os/as concelleiros/as delegados e delegadas en materia de fixación de servizos mínimos ne caso de folga en aras dunha mellor axilidade e eficacia na prestación dos servizos públicos de tal xeito que, no uso da potestade de dirección do goberno e das organizativas e estruturais que, en relación coa Administración Municipal, ostenta esta Alcaldía -art. 124.4) da LRBRL I- e de conformidade co previsto nos artigos 43 e seguintes do RD 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Corporacións Locais (ROF) esta Alcaldía RESOLVE:

1

ASINADO POR: SECRETARIA DE ADMON. MUNICIPAL - (SUSANA GALLARDO FARINA ) 31/10/2022 13:19:44 | CONCELEIRA SEGURIDADE CONTRATACION E XESTION MUNICIPAL - (PATRICIA RODRIGUEZ CALVIÑO ) 31/10/2022 13:20:31 | ALCALDE - (ABEL RAMON CABALLERO ALVAREZ) 31/10/2022 13:24:14 | SECRETARIA DE ADMON. MUNICIPAL - (SUSANA GALLARDO FARINA ) 31/10/2022 13:26:01

**Documento asinado**



Copia do documento - Concello de Vigo	Data impresión: 02/11/2022 13:46	Páxina 1 de 3
Expediente/Documento 598-1102	CSV: A5AFB7-368FC6-B18428-1HQQAM-KWQ6QX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

**Primeiro.-** Modificar a Resolución da delegación de competencias (2019-2023) da Alcaldía nos concelleiros e concelleiras delegados e delegadas de área de data 26.06.2019 modificada posteriormente por Resolucións de data 13.08.2019 e do 17.08.2020, 16.04.2021, 8.08.2022 e 6.09.2022 respecto do punto terceiro nos seguintes termos:

(...)

**Terceiro.-** Así mesmo, os Concelleiros/as Delegados/as de cada Área e demais delegados ostentarán pola miña delegación, ademais das atribucións delegadas no apartado anterior e aquelas nas que se concreten posteriormente, as seguintes:

(...)

**16. A competencia para a fixación dos servizos mínimos no suposto de folgas que afecten aos servizos públicos que presta o Concello de Vigo e o seu Organismo Autónomo agás as relativas ao persoal empregado público.**

**Segundo.-** Deixar sen efecto calquera Resolución anterior ditada pola Alcaldía sobre delegacións de atribucións en Concelleiros/as, agás aquelas que non resulten contraditorias coa presente e mantendo a vixencia das delegacións especiais que continúen vixentes.

**Terceiro.-** Notificar a presente Resolución a todo/as os Concelleiros e Concelleiras e membros da Xunta de Goberno Local afectado/as.

**Cuarto.-** Comunicar a presente Resolución ás Xefaturas das diferentes Áreas e Servizos Municipais para o seu coñecemento e efectos mediante a súa inserción na intranet municipal.

**Quinto.-** A presente Resolución entrará en vigor no mesmo momento da súa sinatura sen prexuízo da súa publicación no Boletín Oficial da Provincia, conforme co establecido no art. 44.2 do RD 2568/1986 e na Sede Electrónica municipal conforme co disposto no artigo 6 da Lei 19/2013, do 9 de decembro, de Transparencia, Acceso á Información Pública e Bo Goberno.

**Sexto.-** Da presente Resolución, de conformidade co establecido no art. 44.4 do RD 2568/1986, en relación co 38.d) do mesmo corpo legal, darase conta de forma individualizada ao Pleno da Corporación para os efectos de que quede informado da mesma.

SGF Data e sinatura dixital.



Copia do documento - Concello de Vigo	Data impresión: 02/11/2022 13:46	Páxina 2 de 3
Expediente/Documento 598-1102	CSV: A5AFB7-368FC6-B18428-1HQQAM-KWQ6QX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

A Concelleira de Seguridade, Contratación e Xestión Municipal, Patricia Rodríguez Calviño

O ALCALDE- ABEL CABALLERO ÁLVAREZ

Dou fé, A SECRETARIA DA ADMINISTRACION MUNICIPAL, Susana Gallardo Fariña (PD Resolución 1.09.2021)



Copia do documento - Concello de Vigo	Data impresión: 02/11/2022 13:46	Páxina 3 de 3
Expediente/Documento 598-1102	CSV: A5AFB7-368FC6-B18428-1HQQAM-KWQ6QX-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		